



Inatsisartunut ilaasortaq Doris J. Jensen

20-11-2023
Suliap normua: 2023 - 25761
All. nr. 23541577

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

UKA2023-mi nal. akunnerani apeqqarissaarfiusumi allakkatigut apeqqummut Ilinniarnertuunngorniarfimmit, GUX, akissutit

Asasara Doris Jakobsen

4. oktober 2023-mi Inatsisartuni apeqqarissaarfimmi sooq maanimioq Ilinniarnertuunngorniarfimmut tiguneqarnissaminut danskisut piginnaanikippallaarnini pissutigalugu itigartitaasoq, uffa Thailandimit imaluunniit Filippineriniit Ilinniarnertuunngorniarfimmut qinnuteqartoq akuerineqartarnersut apeqqutigaat. Tassunga tunngatillugu maani najugaqavissortut kalaallisuinnaarlutit oqaaseqartuusut danskisullu oqalussinnaanngitsut qinnuteqartut ilinniarnertuunngorniarfimmut immikkut ittumik akuerineqarsinnaanersut paasisutissinneqarnissannik kissaateqarputit taamaalillutillu nunanit allanit qinnuteqartutulli tiguneqarnissaminut taamatut periarfissinneqarlutik.

Ilinniarnertuunngorniarfik pillugu Inatsisartut inatsisaat

nr. 13, 22. november 2011-meersumi (matuma kingorna ilinniarnertuunngorniarfik pillugu inatsimmik taaneqartartussa) aalajangersarneqarput ilinniakkami tassani ilinniagaqaqqinnissat pingaarnertut anguniarneqartussaasut, tassunga ilanngullugit ilinniartut ilinniagaqaqqinnissaannut piareersarlugit, tak. §§ 1-2, ilinniarnertuunngorniarfik ilinniakkami ilinniagaqaqqinnissaq pingaarnertut aamma nunami pitsaassutsit malillugit aamma ilinniarnertuunngornermi imm. 2 naapertorlugu nunatsinni, Danmarkimi nunanilu allani tamakku pillugit malittarisassat naapertorlugit ilinniaqqittoqarsinnaavoq. Kiisalu Ilinniarnertuunngorniarfik pillugu inatsimmi § 2-mi imatut allassimasoqarpoq, ilinniarnertuunngorniarfik ilinniagaqalernissamut piareersaataanerata siunertaraa ilinniartut annertusisamik ilinniagaqalernissamut piareersarnissaat, tamatumunnga ilanngullugit ilinniakkap ilisimasariaqartutigit atitussusia itisileriffiuneralu aamma atuartsissutit imminnut ataqtiginneri aqutugalugit ilisimasaqalerlutillu piginnaasaqalernissaat.

Tamatuma nalinginnaasumik qinnuteqartup ukiuni qulini tunngaviummik atuarfimmi atuarinneqarsimanissaa allamiullu oqaasiannik atuarinneqarsimanissamik piunarsaqaatitallimmik naammassinnissimanissaanik piunarsaqaatitaqarpoq, tassami ilinniarnertuunngorniarfik ilinniarnertut nunatsinni nunanilu allani ilinniaqqinnissanut ilinniartut piareersarneqartussaammata. Nunatsinni piunarsaqaatit tamanna nunatsinni

meeqqat atuarianni atuartut kalaallisut, danskisut tuluttullu atuartinneqarnissaminnik piunasaqaateqarfigneqarnerisigut naammassineqarpoq.

Tiguneqarnissamut piunasaqaatit ilinniarnertuunngorniartarneq pillugu inatsimmi § 7 aamma 8-miipput, tassani allassimavoq ilinniarnertuunngorniartarneq kikkunnut tamanut qinnuteqarfiup nalaani aalajangersimasumik nunatsinni najugaqarsimasunut ammavoq, imm. 3-milu allaqqavoq ilinniarnertuunngorniartarneq nunanit allaneersunut ammasoq, tassa nunani tamalaani isumaqatigiissutit nunatsinni attuuttut naapertorlugit nunatsinneersutulli tiguneqarnissaminnut pisinnaatitaapput.

”§ 7. Ilinniarnertuunngorniartarneq ilinniagaq ammavoq kikkunnut tamanut, piffissap qinnuteqarfiup nalaani Kalaallit Nunaanni najugaqartunut, taamaattoq tak. imm. 2 aamma 3, taamaattorli imm. 2 aamma 3 takukkit. Imm. 2 Qinnuteqartut siusinnerusukkut Kalaallit Nunaanni najugaqareersimasut, ilinniarnertuunngorniartarneq ilinniakkamut qinnuteqarnermut naleqqiullugu Kalaallit Nunaanni najugaqavissutut isigineqassapput, Kalaallit Nunaata avataaniinnerat Kalaallit Nunaanni oqartussaasut peqataaffigisaannik isumagineqarnermik imaluunniit ilinniarnermik peqquteqarpat.. Imm. 3. Ilinniarnertuunngorniartarneq ilinniagaq qinnuteqartunut Kalaallit Nunaanni najugaqavissuunngitsunut ammavoq, taakku nunat tamat akornanni isumaqatigiissutaasut, Kalaallit Nunaanni atuuttut, naapertorlugit Kalaallit Nunaannit qinnuteqartut assigalugit ilinniartunngorsinnaatitaappata.

§ 8-milu imatut allaqqasoqarpoq, Qinnuteqartut ilinniarnertuunngorniartarneq ilinnialernissamut naleqqiullugu ukiut kingulliit marluk ingerlaneranni meeqqat atuarianni naammassisut imaluunniit meeqqat atuarianni atuartitsinnermut nalinginnaasumik piunasaqaataasunut nallersuussinnaasumik atuartinneqarsimasut, ilinniarnertuunngorniartarneq ilinnialersinnaapput, qinnuteqartumit makku anguneqarsimappata:

Rektori imm. 1, nr. 2 aamma 3-mi piunasaqaatinik sanioqutitsinissamut akuersisinnaavoq, qinnuteqartup misilitsinnerit imaluunniit killiffimmi karakterit ikittunnguit ilaanni E ataassimappagu, rektorillu nalilerpagu qinnuteqartup ataatsimut pisinnaasai ilinniarnertuunngorniartarneq ilinniakkap naammassinissaanut naammattut.

Ilinniarnertuunngorniartarneq ilinniarnertuunngorniartarneq ilinniarnertuunngorniartarneq isernissamullu pisinnaatitaaffiit aalajangersakkanit taakkunannga aalajangersarneqarput, tassanilu aalajangiisuusumik tunngaviumillu tunngavik tassaavoq ilinniarnertuunngorniartarneq kikkunnut tamanut tiguneqarnissamut piunasaqaatinik naammassinissimasunut ammavoq, tamatumami nunanit allani qinnuteqartoq fagimut kalaallisuumut immikkut ittumik akuerineqarsinnaavoq, tassa qinnuteqartoq meeqqat atuarianni atuartinneqarnissamik nalinginnaasumik piunasaqaatinik naapertuuttumik ukiuni qulini nammineq oqaaserisanik atuartinneqarsimanissaq aammalu allamiut oqaasiinik siullernik tullernillu ilinniartinneqarsimassalluni, taamaalilluni tiguneqarnissamut immikkut ittumik akuerineqartariaqarani.